



# KOVITI-19 Togafitiga

*O vailaau faafoma'i fou e mafai ona fesoasoani e puipuia ai mai ma'i tugā*

Ua faamaonia pe tuuina atu e le U.S. Food and Drug Administration le faatagaga mo le faaaogāina ona o tulaga tau faalavelave faafusase'i o togafitiga eseese e togafitia ai le KOVITI-19. O nei vailaau faafoma'i e mo tagata e leai se aafiaga tele pe feololo lo latou āuga ae e sili ona aafia gofie i le ogaoga o le KOVITI-19. O nei vailaau faafoma'i e mana'omia se talavai mai se foma'i poo se tagata o faia vailaau faafoma'i i fale talavai (pharmacist). E tatau ona amata togafitiga e lē sili atu i le lima po o le fitu aso talu ona amata ona iai āuga, e faalagolago lava poo fea le vailaau faafoma'i e faatonuina.

Afai e sili ona aafia gofie oe ma ua faamaonia le su'ega ua e maua le ma'i, ia vave ona faafeso'ota'i i lau tausi soifua mālōlōina ma fesili pe talafeagai mo oe togafitiga o le KOVITI-19.



## Togafitiga

O nisi togafitiga e inu i le gutu. O isi e faia e ala i le tuiina atu i se uaua o le tino (IV).

O vailaau faafoma'i e faaaogā e togafitia ai vairusi (antiviral), e taula'i atu i vaega patino o le vairusi o le KOVITI-19, ina ia e lē mafai ona toe faatupuina le vairusi.



## O Ai e Agavaa?

O i latou e sili ona aafia gofie i le ogaoga o le KOVITI-19 e avea ma tagata e talafeagai e maua ai togafitiga. E aafia ai tagata e lē oo ina faia tuiipui, tino puta/lapo'a tele, o ē e 65 ma matutua atu, i latou e maua i le ma'i fatu, ma'i o le māmā, ma'i o le ate, ma'i o fatuga'o, ma'i suka, ma'itaga, gasegase o le galogalo o mea (dementia), kanesa, ma'i sela, o le lē atoatoa le malosi o le tino, faaletonu tau o le faaaogāsesē o le ava malosi poo fualaau faatonuina poo faaaogā fualaau faasāina, poo faafitauli tau soifua mālōlōina faalemafauau.



## Vailaau faafoma'i e puipui ai

O loo iai se vailaau faafoma'i e mu'a'i faaaogāina a o le'i oo ina aafia i se ma'i (pre-exposure) e puipuia ai mai le faama'i o le KOVITI-19. E mafai ona maua i le faia o se pepa talavai mo tagata e feololo pe ogaoga o tulaga o le tino i le lē mafai ona tete'e atu i faama'i.

O togafitiga tau KOVITI-19, e lē o ni faiga suitulaga i le faia o tuiipui o le KOVITI-19. Ua faalaeiauina tagata uma ina ia faamautinoa e faia i le taimi talafeagai lo latou tuiipui i le vave e mafai ona fai.

E maua nisi faamatalaga i le [aspr.hhs.gov/COVID-19/Therapeutics](https://aspr.hhs.gov/COVID-19/Therapeutics)